


第一圖

(四縣腔)



今晡日係一年一度个運動會，天時盡好。第一個運動比賽係走相逐，因爭班項个阿明走到當處，故所就喊佢代表班項參加走相逐比賽，到了比賽个時節，評判先生鐻銃仔擎到高高，比賽个選手乜準備好勢了。

評判先生个銃仔響个一聲：「砰——」，逐儕都走到當處，平常時阿明就豈煞猛練習，故所佢一開始都一直走到大家个頭前，無人走得贏佢，終點看等就會到了。

啊!會到終點个時節，阿明無細義嘅跌倒諗，膝頭敲皮緊流血，阿明痛到奈毋得，這時原本走在阿明後背个選手就一儕接等一儕超過佢。毋過阿明毋認輸，佢遽遽企起來繼續走，雖然膝頭敲到流血，腳乜一跛一跛仔無鬆爽，阿明嚟自家講一定愛走到終點。

大家分阿明毋放棄个精神感動到，就開始嚟阿明加油，分阿明當多个鼓勵，阿明聽著大家分佢个鼓勵，就更加有勇氣走到終點，雖然阿明輸忒這場比賽，毋過佢這種毋放棄个精神係值得大家去學習个。

評判提問：

1、你試著參加學校運動會个心情係仰仔?

參加學校運動會大體係緊張个，但係做得嚟同學共下合作比賽，佢試著當快樂，雖然比賽有成時可能會敲皮流血也係跌倒，毋過大家共下打拚努力，輸贏就無恁重要了。

2、運動會个活動，你較好哪隻項目?

佢最好擲大索嚟走相逐，因爭這兩項比賽都非常刺激嚟鬧熱，做得嚟同學共下打拚，還過愛發揮團隊个精神，正做得拿到獎牌。運動最主要个係比賽精神，故所學校有舉辦運動會，佢就會好好把握所有比賽个機會。

第二圖

四縣腔



逐年个年三十，家家屋屋都鬧熱煎煎，大家都歡歡喜喜準備愛過年了，佢膠老妹著等新衫在脣項打紙炮仔，阿爸、阿姆在屋下貼門聯，還會膠隔壁鄰舍拜年講好話，祝大家恭喜發財、新年快樂，年三十實在鬧熱又生趣。

三十暗晡个時節，阿姆膠阿爸像大飯店个廚師樣仔，變出一大桌豐沛个團圓飯，有雞肉盤、煎魚仔、炆爌肉，香噴噴仔个味緒，佢个口涎水強強愛流出來了。阿公、阿婆還包砵年錢佢，希望佢平安、康健，佢乜祝福阿公、阿婆身體康健、新年快樂。

拿著砵年錢，佢暢著無結無煞，開始算今年个砵年錢愛仰般用，做得買這下時行个玩具車仔，乜做得膠錢貯起來，還做得買等路送分阿公、阿婆，故所佢想了一下，決定愛膠錢拿去買等路，送分惜佢个阿公、阿婆，感謝佢兜个照顧。

佢緊想，愛送麼个等路呢？毋知佢兜有需要哪種東西無？後來正想著阿公、阿婆因爭當多歲了，行路有時會腳軟、有時會腳跛跛仔，佢就想著做得買拐棍做等路。阿公膠阿婆拿著佢送个拐棍時，笑頭笑面緊講：「這係孫仔買分佢个喲，恁仔細。」看著阿公、阿婆个笑容，就係佢最大个幸福。

評判提問：

1、新个一年，你有麼个願望？

佢希望新个一年，歸家人都平安快樂、身體康健。過忒年，佢乜大了一歲，愛開始對自家負責任，未來愛做一個煞猛打拚个人，好好唸書孝順爺哀。

2、收著个砵年錢，你會仰般用？

佢會膠砵年錢貯等，假使愛納學費也係買文具个時節，就做得用。因爭阿爸、阿姆平常時賺錢當辛苦，佢乜膠自家講做毋得儘採使錢，愛買東西之前，定著愛先考慮過。

第三圖

四縣腔



放學轉到屋下，看著阿姆在灶下無閒泊杈，老妹在罈頂搞玩具，佢就遽遽膠功課寫好，等一下正做得膠阿姆搵手煮夜。阿姆講，阿爸一下仔就下班了，等阿爸轉來就做得共下食飯。

阿姆煮好菜，膠菜兜去桌頂頂，佢就搵手添飯膠拿筷仔，這時節阿爸下班轉來了，老妹看著阿爸盡歡喜，就遽遽走過去愛搵阿爸。等大家坐好來，就做得食夜了，佢个肚屎枵到會變背囊了，早就咕咕滾，今晡日佢愛食兩碗飯喔！

食飽夜，大家會搵手撿掙，阿爸負責洗碗盤、佢負責掙桌仔，做家事毋單淨係阿姆一儕人个事情，定著愛歸屋下人共下來分擔屋下事頭，佢試著做得膠爺哀、老妹共下食飯、共下整理屋下，恁樣个生活當幸福，。

垃圾車會來个時節，阿姆就會遽遽膠屋下个垃圾拿出去擲，老妹會踅等阿姆共下去倒垃圾。雖然佢膠老妹正上小學定定，毋過，看著阿爸、阿姆為著佢膠老妹逐日恁辛苦在該打拚，佢就當感動，等佢大了定著愛好好有孝佢兜。

評判提問：

1、平常時你在屋下會搵手做麼个家事？

佢最煞手个家事係掃地泥膠拖地，因爭有一擺功課寫好了，閒閒沒事情做，就想著做得搵手掃地泥膠拖地，堵好地泥頂个塵灰忒多了，拚掃過後，地泥變到淨俐淨俐，阿爸還阿謔佢當慶，搵手做家事正經係當快樂个一件事情。

2、你最好食屋下煮个菜係麼个？

佢最好食阿姆煮个客家炒肉，阿姆講，蒜頭膠辣椒定著愛先焗香，續下來加三層肉、豆腐干、魷魚共下炒，用豆油、米酒敲香，毋使幾久，香噴噴个客家炒肉就完成了，又香又好食。客家炒肉正經當扯飯，佢做得連食兩碗飯唷！